

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## সংবাদ বিজ্ঞপ্তি

### ডাইভারসিটি ভিসা (ডিভি) ২০১২-এর ফলাফল

ঢাকা, ২৮শে এপ্রিল -- কংগ্রেস কর্তৃক অনুমোদিত ডাইভারসিটি ইমিগ্র্যান্ট ভিসা কর্মসূচি বাৎসরিক ভিত্তিতে যুক্তরাষ্ট্রে কম অভিবাসী আছে এমন দেশের নাগরিকদের ৫০,০০০ ডাইভারসিটি ভিসা প্রদান করে থাকে। দৈবচয়ন পদ্ধতিতে লটারির মাধ্যমে সারাবিশ্ব থেকে আগত আবেদনগুলোর মধ্য থেকে ডিভির জন্য প্রার্থী বাছাই করা হয়। ডিভি লটারি ২০১২-এর ফলাফল মে মাসের ১ তারিখ কিংবা তার পর থেকে

<http://www.dvlottery.state.gov> ওয়েবসাইটে পাওয়া যাবে।

ডিভি ২০১২-এর ওয়েবপেজের এন্ট্রি স্ট্যাটাস চেক পাতায় আসলে আবেদনকারীদের তাদের অনলাইন ডিভি আবেদনপত্রের কনফারমেশন পাতায় প্রাপ্ত তথ্যগুলো প্রদান করতে হবে। এই কনফারমেশন পেজটি ডিভি'র জন্য অনলাইন আবেদন ফর্ম পূরণের পর আবেদনকারীদের প্রিন্ট করে সংরক্ষণ করে রাখার কথা। আবেদনকারীরা যদি কনফারমেশন পাতাটি সংরক্ষণ না করে থাকেন তাহলে সেই পাতার তথ্যগুলো পুনরায় পাওয়ার আর কোনো পথ নেই। যুক্তরাষ্ট্র দূতাবাস কিংবা যুক্তরাষ্ট্র পররাষ্ট্র দপতর এই কনফারমেশন পাতাটির আরেকটি কপি প্রদান করতে পারবে না এবং আবেদনকারী তার আবেদনের অবস্থা দেখতে কিংবা তার ভিসার জন্য পরবর্তী পদক্ষেপ নিতে পারবে না।

অনলাইন স্ট্যাটাস চেক পাতায় 'বিজয়ী' বার্তা পাওয়া মানে এই নয় যে আবেদনকারী ভিসার জন্য যোগ্য হিসেবে বিবেচিত হয়েছেন। ডাইভারসিটি ভিসা প্রাপ্তির জন্য যোগ্য হিসেবে বিবেচিত হতে হলে সকল আবেদনকারীকে দুটি শর্ত পূরণ করতে হবে। প্রথমত, আবেদনকারীদের অনলাইন আবেদনপত্রটি সঠিকভাবে পূরণ করতে হবে এবং নিজের সম্প্রতি তোলা একটি ছবি প্রদান করতে হবে। দ্বিতীয়ত, আবেদনকারীদের প্রমাণ করতে হবে যে ডিভি ভিসা পাওয়ার জন্য প্রয়োজনীয় শিক্ষাগত যোগ্যতা কিংবা কাজের অভিজ্ঞতা তাদের রয়েছে। সম্ভাবনাময়ী আবেদনকারীদের আমরা উৎসাহিত করি তারা যেন লটারির জন্য আবেদন করার আগে ডিভি লটারির জন্য প্রয়োজনীয় শর্তগুলোর সঙ্গে নিজ শিক্ষাগত যোগ্যতা ও কাজের অভিজ্ঞতা যাচাই করে নেয়।

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## সংবাদ বিজ্ঞপ্তি

এন্ট্রি স্ট্যাটাস চেক পাতায় যারা ডিভি লটারির বিজয়ী হিসেবে চিহ্নিত হবেন তারা তাদের ভিসা প্রাপ্তির জন্য পরবর্তী পদক্ষেপ সম্বন্ধে ওয়েবসাইটেই নির্দেশনা পাবেন। ডিভি সংক্রান্ত সকল যোগাযোগ যুক্তরাষ্ট্র পররাষ্ট্র দপতরের ওয়েবসাইটের এন্ট্রি স্ট্যাটাস চেক পাতার মাধ্যমে করা হবে। পর্যায়ক্রমে, এন্ট্রি স্ট্যাটাস চেক পাতায় যারা বিজয়ী হিসেবে চিহ্নিত হয়েছেন তাদের ডাইভারসিটি ভিসার পাওয়ার জন্য উপরিলিখিত যোগ্যতাসমূহ রয়েছে সে বিষয়টি প্রমাণ করতে যুক্তরাষ্ট্র দূতাবাসে একটি সাক্ষাৎকারে অংশ নিতে হবে।

ডাইভারসিটি ভিসা (ডিভি ভিসা) সংক্রান্ত ঘোষণাবলী ই-মেইলের মাধ্যমে পাঠানো হয় না। আপনি লটারি জিতেছেন কিংবা 'গ্রীন কার্ড' পেয়েছেন এমন দাবি করা যে কোন ই-মেইলই অবৈধ। ডিভি ভিসা লটারিতে অংশগ্রহণকারীরা লটারি জিতেছে কিনা কিংবা ভিসার জন্য আবেদন করার পরবর্তী পদক্ষেপ সম্বন্ধে জানানোর অধিকার অন্য কোনো প্রতিষ্ঠান বা বেসরকারি অথবা ব্যক্তি মালিকানাধীন প্রতিষ্ঠানের নেই। সকলকে আবারো জানানো হচ্ছে যে ডাইভারসিটি ভিসা সংক্রান্ত সকল যোগাযোগ যুক্তরাষ্ট্র পররাষ্ট্র দপতরের ওয়েবসাইট <http://www.dvlottery.state.gov>- এর এন্ট্রি স্ট্যাটাস চেক পাতার মাধ্যমে করা হবে।

জিআর/ ২০১১

**দ্রষ্টব্য:** এই সংবাদ বিজ্ঞপ্তির ইংরেজি ভাষ্য 'আমেরিকান সেন্টার'-এ পাওয়া যাবে। যদি আপনি ইংরেজি ভাষাটি পেতে আগ্রহী হন, তবে 'আমেরিকান সেন্টার'-এর প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই-মেইল:

[DhakaPA@state.gov](mailto:DhakaPA@state.gov) এবং ওয়েবসাইট: [dhaka.usembassy.gov](http://dhaka.usembassy.gov) যোগাযোগ করুন।